

Was merr so babbelt

Drick emol druff!
Was willsden gucke?
Nix – ich will nor emol gucke.
Was ferr Programm?
Ei drick doch emol druff!
Ich wollt awwer was lese.
Drick druff unn mach de Ton eweck.
Isses gut so?
Naa – den Kerl kann ich nit seh!
Iss dess gut?
Naa, die kann ich nit heern!
Die konnsde aach nit heern, ohne Ton.
Gebb emol dess Ding her – so.
Halt – drick emol zurick.
Ich moon, du wollst lese?
Doo war was mett Elefonde.
Also zurick – doo sinn koo Elefonde.
Noch oons weiter zurick.
Doo sinn aach koo Elefonde.
Nit? Doo warn ewe noch Elefonde.
Ich habb koo geseh.
Doo warn Elefonde!
Unn die wollsde gucke?
Die wollt ich emol gucke.
Awwer jetz sinn se fort.
Die warn villeicht grad ferdich.
Konn soi. Wo giehsden hie?
Moi Buch holle.
Bring moins mett.
Hosde abgedrickt?
Ja, warum?
Ich moon, du wollst Fernseh gucke?
Ich wollt nit gucke, du wollst gucke.
Ich wollt gucke?
Ja du, dess mett de Elefonde – odder?

Eiern Honnes